

quam valide musculorum systema in istis malis patiatur, manifesto testantur.

§. IV.

Quamquam autem malum hypochondriacum et hystericum suam in totum neruorum et fibrarum muscularium systema vim exercet et tyrannidem, prout ex haecenus dictis apparet: attamen maxime et prae ceteris partibus in primas faeuit vias. Obseruamus enim, 1) prima frequentissima et grauissima fere incommoda, quibuscum solet istud malum stipatum incedere, circa primas sese vias exferere; 2) reliqua incommoda, quae aliis partibus insunt, proximius aut remotius vitiis primarum viarum deberi, quod WHYTT eleganter satis docuit; 3) demum nil magis mali hypochondriaci et hystERICI ortui fauere, quam vitia primis inducta viis. Quae cum ita sint, atque reliqua huius mali symptomata, quorum omisi recensitionem, ex allatis deduci debeant: patet, *malum hypochondriacum et hystericum in toto equidem genere neruoso et fibrarum muscularium systemate reside-
dere, maxime tamen primas occupare vias.*

§. V.

Atque haec de sede horum, quae diximus, malorum. Quonam vero in vitio corporis vera illorum essentia et natura ponenda? Vidimus (§ §. II-III.) comparere in malo tam hypochondriaco, quam hystericum, phaenomena, quae actionem neruorum et fibrarum muscularium auctam, imminutam, deprauatam esse suadent, et monuimus (§. antec.), reliqua, quae his malis insunt, quam optime exinde deduci posse. Obseruamus porro, subie-